

Sämikuávlv kieldah láá algáttám ohtsii säämi kielâstrategia ráhtim

länuduv, Aanaar, Suáđigil já Ucjv kieldah láá algáttám ohtsii säämi kielâstrategia ráhtim. Ulmen lii strategia peht pyerediđ sämikielâi sajattuv kieldâin.

- Sämikuávlv kieldâin lii säämi kielâlaavâ miel kenigâsvuođâ faallâđ kieldâsseid palvâlusâid sämikielân. Taan räi kieldah láá ornim palvâlusâid jieškote-uv náál, mutâ kieldâin láá ennuv siämmáálágáneh hástuseh sämikielâlij palvâlusâi orniimist. Ohtsii kielâstrategia peht kieldâin lii máhđulâšvuotâ čuávidiđ čuolmâsoojijd oovtâst já vuávdâđ sämikielâlij palvâlusâi ornim kuhheeb ägimuddoost, muštâl kielâstrategiapargee Tuuli Miettunen.

Kielâstrategiapargo pištá čohčâmáánu aalgâs ive 2019 loopâ räi. Sämikuávlv kieldâi kielâstrategia lii Suomâ vuossâmuš sämikielâid kyeskee kielâstrategia já tot kuáská kieldâi puoh toimâsuorgijd. Aalgâ säämi kielâstrategia ráhtimist pođij algâalgâst Aanaar kieldâairâsijn. Meid eres sämikuávlv kieldâin tubdii táárbu kielâstrategian já tondiet kieldah láá oovtâst oovdedškuáttám säämi kielâstrategia. Mieli stivrimjuávhust láá meid Sämitigge já Säämi máttááttâskuávdáš.

Kielâstrategiapargo ovdán loppâive ääigi eereeb iärâsij kieldâi sämikielâlij pargei kulâmijn. Kieldâssei uáivileh selvâttuvvojeh nettikojjâdâlmáin, mon lijkâ almostuvá mañeláá čohčuv.

- Kieldâssein mij tuáivup macáttâs tááláin palvâlusâin, nuuvt pyereest luhostum ko meid tain, main lii miinii pyeredemnâál. Kieldâssei já kieldâi sämikielâlij pargei feerimeh láá kuávdáást kielâstrategiapargoost, iätá Miettunen.

Lasetiäđuh:

Tuuli Miettunen

Kielâstrategiapargee

Aanaar kieldâ

tuuli.miettunen@inari.fi

puh. 040 359 0427